


Glavne prednosti CMS-a

- Ujednačena dodjela predmeta sudijama po metodi slučajnog uzorka u realnom vremenu
- Strankama su odmah dostupni broj predmeta i ime sudije
- Sudija je odmah obaviješten o svakom novom dokumentu u predmetu koji mu je dodijeljen
- Jednostavan i brz pregled informacija o svim predmetima
- Na raspolaganju je brzo pretraživanje svih informacija i podataka
- Pojedinačna dodjela zadataka
- Modul za izvještaje sa otvorenim mogućnostima
- Standardizirani sudski obrasci dostupni sudijama i sudskim uposlenicima
- Svi upisnici u elektronskom obliku
- Jednostavno proširenja Sistema kroz modularni dizajn



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки одјелт Босне и Херцеговине
High Judicial and Prosecutorial Council of Bosnia and Herzegovina

Bosna i Hercegovina

Sistem upravljanja predmetima



Visoko sudsko i tužilačko vijeće
Bosne i Hercegovine
Kraljice Jelene 88
71000 Sarajevo

tel: +387 33 707 500
fax: +387 33 707 550

E-mail: hjpcinfo@hjpc.ba press@hjpc.ba
Web: <http://www.hjpc.ba>

Pravni sistem kojem možete vjerovati

Sistem za automatsko upravljanje predmetima (CMS)

Visoko sudsko i tužilačko vijeće Bosne i Hercegovine (VSTV BiH) je, od osnivanja VSTV-a u junu 2004. godine, odgovorno za implementaciju Strategije informaciono-komunikacione tehnologije (IKT) za pravosuđe BiH. Implementacija IKT Strategije za pravosuđe BiH jedan je od najviših prioriteta VSTV-a u slijedeće tri godine i predstavlja preduslov za razvoj pravosuđa u BiH, što je u skladu sa evropskim standardima i kriterijima Evropske unije o pridruživanju.

Ključni element IKT Strategije za pravosuđe BiH je savremen Sistem za automatsko upravljanja predmetima (CMS).

Izradu prve verzije CMS-a za pravosuđe BiH finansirala je Agencija za međunarodni razvoj SAD-a (USAID) u tijesnoj saradnji sa VSTV-om. Kao rezultat udruženih napora razvijen je vrhunski modularni softver koji se lako prilagođava novim zahtjevima.



Glavna svrha CMS-a je automatizacija, a time i standardizacija procesa rada u pravosuđu BiH. CMS će povećati transparentnost, a kroz CMS će rukovodioci na različitim nivoima u pravosuđu imati pristup usavršenim izvještajima koji će im u velikoj mjeri pomoći u upravljanju pravosuđem. Vremenom će se postići da pravosuđe BiH bude efikasnije i učinkovitije.

CMS je u potpunosti pokazao svoje prednosti u pilot sudovima. Upisničar u jednom od ovih sudova je nedavno izjavio da bi "radije dao otkaz nego se vratio na stari manuelni sistem rada".



Odgovornost za dalji razvoj CMS-a i njegovo raspoređivanje na cijeloj teritoriji BiH prenesena je, u oktobru 2006. godine, na VSTV. CMS je već testiran u šest pilot sudova, a instaliranje unaprijedene verzije softvera će početi u maju 2007. godine. CMS će biti u funkciji u svim sudovima i tužilaštvima do kraja 2009. godine.

